

ԼՂՀ ԿԱԹՆԱՍՈՒՆՆԵՐԻ ՖԱՌԻՆԱՆ ԵՎ ՆՐԱ ՊԱՇՏՊԱՆՈՒԹՅՈՒՆԸ

Ա.Բ. Աղաթյան, Ս.Ա. Աղաթյան

կենսաբանության ամբիոն

Յուրաքանչյուր պնդողության և ժողովրդի համար պատմական և մշակութային արժեքներին՝ հուշարձանների ու բնական հարստությունների, այդ թվում կենդանական և բուսական աշխարհի պահպանությունն ու հաջորդ սերնդին փոխանցելը համարվում է առաջնակարգ ռազմավարական խնդիր: Հայրենի բնաշխարհի ղեկնորհի և մյուս հարստությունների պահպանման ու խնայողաբար օգտագործման համար անհրաժեշտ է գիտականորեն հիմնավորված համալիր ծրագիր, որտեղ պետք է նշվի ինչպես այդ հարստությունների տնտեսներն ու չափերը, այնպես էլ դրանց օգտագործման կարգը:

Ազատության և անկախության ճանապարհով զարգացող Լեռնային Ղարաբաղի Հանրապետության (ԼՂՀ) համար արդի փուլում, մեր կարծիքով, վայրի բնաշխարհում ապրող կենդանիների և բույսերի տնտեսային կազմի ու առանձնյակների քանակի, նրանց էկոլոգիական գոյաբաշխմանների հստակեցումը և հազվադեպ ու սակավաթիվ դարձած տնտեսների պահպանությունը ունի արդիական նշանակություն, քանի որ դրանց հիման վրա պետք է մշակվի «կարմիր գիրքը»:

ԼՂՀ տիպիկ լեռնային երկիր է, որն ընկած է հայկական բարձրավանդակի հյուսիսային եզրում, կազմվելով փոքր կովկասի հարավային մասը: Հյուսիսից և արևմուտքից հանրապետության տարածքը նիդալորում են Մոսկի և Ղարաբաղի լեռնաշղթաները, որոնց լեռնաճյուղերը կազմում են հանրապետության տարածքի մեծ մասը: Նրանք տեղ-տեղ խախտվում են՝ առաջացնելով մեծ ու փոքր իջվածքներ, լանջեր, ձորեր ու կիրճեր: Լեռների ստորոտներից սկսվող թփերն ու անտառները իջնելով ցած՝ առաջացնում են դաշտեր ու մարգագետիններ: Անտառները և թփերը կազմում են երկրամասի տարածքի 32%-ը: Անտառներում գերակշռում են հաճարենիները և կաղնիները: Տեղ-տեղ լինում են մեծաթիվ վայրի տանձենիներ, խնձորենիներ, ընկուզենիներ, լորենիներ և հացիներ: Անտառների ստորին հարկում շատ տեղերում լինում են պտերներ, ազնվամորենիներ, մշշենիներ և բազմաթիվ այլ թփաբույսեր ու խոտաբույսեր: Անտառների եզրերին լայնորեն տարածված են տալիենիներ, սպենիներ ու գլոբենիներ: Արժեք նաև նշել, որ հանրապետության ամբողջ տարածքում կենդանիների կողմից ուսվող բուսածածկում խիստ թունավոր, առավել նաև մահաբեր տեսակներ չեն արձանագրվել:

Հանրապետության բնաշխարհի հարուստ է մեծաթիվ լեռնային գուլալ աղբյուրներով, հանքային ջրերով և մի քանի փոքր գետերով (Թարթառ, Իշխանագետ, Խաչեն, Քոնդալան): Բացի դրանից, վերջին տասնամյակներին այստեղ կառուցել են նաև երկու ոչ մեծ ջրամբարներ (Սարախնգի և Խաչենի): ԼՂՀ-ում տեղումները մեծ մասամբ լինում են ձմեռն և զարնամ ամիսներում: Կլիման հանրապետության տարածքի մեծ մասում տաք է, չոր ձմեռով: Անտառները իրենց վերին եզրերում մինչև լեռների անցնելը առաջացնում են ոչ մեծ սուբալպինական և ալպինական արոտավայրեր: Բուսական աշխարհի հարուստ ու բազմազան է նաև գյուղամերձ շրջաններում:

Վերը նշվածներից կարելի է եզրակացնել, որ հանրապետության բնաշխարհը նպաստավոր է կենդանաֆաունայի բազմազանության, այդ թվում կաթնասունների գոյատևման համար: Ընդ որում, անցյալ դարի սկզբներին բնաշխարհի դեռ պահպանում էր իր գրեթե կուսական տեսքը՝ անտառները խիտ էին ու մուլք, բուսածածկը առատ ու բազմազան էր, անտառներում, լեռներում ու մարգագետիններում կային բազմաթիվ որսագազաններ ու թռչուններ (բծավոր նղջերու, ազնիվ նղջերու, անդրկովկասյան վայրի ոչխար, վայրի խոզ, գորշ արջ, բեգուրյան այծ և այլն): Սակայն ֆաունայի և ֆլորայի այդ բազմազանությունն ու հարստությունը միայն բնական գործոններով չէր պայմանավորված: Դրանցում, առնչյալ, իր նշանակալից դերն է ունեցել նաև այստեղ ապրող մարդը՝ գյուղացին: Ճիշտ է, այդ շրջանում նա դեռևս չունի բնության հզոր տարրերների դեմ դիմակայելու գործը միջոցներ, սակայն նա անշեղորեն օգտագործում էր իր նախնիներից ստացած օգտակար փորձը: չէր խախտում գազանների ու թռչունների որսի ժամկետները, չէր հրդեհում դաշտերն ու անտառները, չէր իրականացնում անտառների համատարած հատում, լանջուտները հեղեղումներից պաշտպանելու համար թփաբույսերից ու քարերից դարձված արտաբնական պատիկներ և այլն:

ԼՂՀ-ում խորհրդային կարգերի հաստատելուց հետո (1921թ.) և կոլտնտեսային շինարարության ամբողջ ժամանակաշրջանում (1936թ. մինչև ևՄՀՄ-ի փլուզվելը), երբ գյուղացին փաստորեն զրկվեց իր ձեռքից հողի անփականությունից, երկրամասում սկիզբ առավ որսագողությունը և անտառների հատումները: Դրանք առավել մեծ թափ ստացան 1950 թվականից սկսած: Այս շրջանում Ղարաբաղում անտառափառումները իրականացվում էր Ադրբեջանի կառավարության հատուկ ծրագրով, հարեւան թուրքական շրջաններին

վաճելանյութը և շինանյութ մատակարարելու համար: Այս ամենի հետ կապված մեծ չափով աղքատացավ հայրենի բուսական և կենդանական աշխարհը, իսկ մի քանի կենդանատեսակներ անհետացան մշտապես: ԸՂՀ կենդանաֆաունան մեծ վնաս կրեց նաև սրբալայան պատերազմից առաջ ՄՄՍՄ կառավարության կողմից նրկամատուռ սահմանված հատուկ կարգավիճակի և Ադրբեջանի կողմից սահմազերծված դաժան պատերազմի տարիներին, երբ նրկամատուռ պաշտպանական և ռազմական գործողությունների մեջ էին ընդգրկված գրեթե բոլոր դաշտերն ու անտառները:

ԸՂՀ կառավարությունը պատերազմից հետո հրադադարի այս 10 տարիներին որոշ անհրաժեշտ որոշումներ է ընդունել հայրենի ֆաունայի և ֆլորայի պահպանման ու խնայողաբար օգտագործման մասին, սակայն ափսոսանքով պետք է նշենք, որ այսօր էլ նկատվում են որսատեսչության և անտառային արժեքավոր բուսատեսակների ապօրինի հատման բազմաթիվ դեպքեր:

Անցնելով կաթնասունների արդի վիճակի համառոտ բնութագրությանը՝ հենց սկզբից նշենք, որ հայրենի ֆաունայի և ֆլորայի համակողմանի բնութագրության համար անհրաժեշտ են հետազոտությունները, քանի որ նրկամատուռ կաթնասունների ֆաունան մինչևի՜ հիմա, առավել ևս վերջին հինգ տասնամյակներին, ոչ որի կողմից համակողմանի չի ուսումնասիրվել, չնայած առանձին կենդանիների մասին եղել են մի քանի հաղորդումներ (1,2,3,4,5): Դրանց մեծ մասը կողմից կատարված մոտավոր հաշվարկների համաձայն կարող ենք նշել, որ այստեղ այժմ ապրում են 200-ից ավելի տեսակի ողնաշարավոր կենդանիներ, որոնցից 75-ը կամ 37.5%-ը կազմում են կաթնասունները: Ընդ որում, կաթնասունների դասը այստեղ ներկայացված է զույգ կնճղակավորների, գիշատիչների, նապաստականանների, կրծողների, միջատակերների և ձեռքառավորների կարգերին պատկանող շուրջ ութ տասնյակ տեսակներով:

Ձույգկնճղակավորների կարգից այստեղ այժմ ապրում են 3 տեսակի կենդանիներ՝ ագնիվ եղջերուն, անդրկովկասյան մորուքավոր կամ բեզուարյան այծը և վայրի խոզը կամ եվրոպական վարազը: Անցյալ դարում այստեղ կենդանիների անկանոն որսի և որսագողության հետևանքով այս խմբից անհետացել է 3 տեսակի կաթնասուններ՝ թժավոր եղջերուն, այծյամը և հայկական մուփոնը կամ անդրկովկասյան լեռնային ոչխարը: Ի դեպ, նշենք, որ վերջինս մինչև անցյալ դարի 60-ական թվականները դեռևս հանդիպում էր Մոսկվի առանձին բարձրություններում:

Հայտնի է, որ ագնիվ եղջերուն, բեզուարյան այծը և վայրի խոզը ունեն համեղ և դուրամաբու միս, որի համար է նրանց համարում են որպես արժեքավոր որսազաւգաններ: ԸՂՀ-ում բեզուարյան այծը ապրում է հանրապետության լեռնային շրջաններում, որտեղ բարձրությունը ծովի մակերևույթից կազմում է շուրջ 2400-3700մ: Նրանք հաճախ շրջում են 5-10 առանձնակներից կազմված խմբերով: Դրանց առանձնյակների մեծ մասը կազմում են եղջերու և անչափափառ արունները: Աշնան և ձմռան ցուրտ եղանակներին նրանք իջնում են լեռնային համեմատաբար ոչ մեծ բարձրությունների շրջան: Ագնիվ եղջերուն ապրում է անտառների ոչ լեռնոտ շրջաններում: Գարնան վերջերին և ամռանը նա բարձրանում է մինչև սուբալպինական և ալպինական մարգագետինների շրջան: Արցախյան պատերազմի նախօրյակին, պատերազմի ժամանակ և հետպատերազմային ժամանակաշրջանի առաջին տարիներին այստեղ անվերահսկվող որսի և որսագողության հետևանքով բեզուարյան այծի և ագնիվ եղջերուի թվակազմը աննախադեպ կրճատվել և հասել է կրիտիկական սահմանին (յուրաքանչյուր տեսակից մեր հաշվարկներով մնացել են ոչ ավելի քան շուրջ 1000-ական առանձնակներ): Ելնելով դրանից այս նրկու տեսակը, մեր կարծիքով, պետք է մտցվեն հանրապետության կենդանիների պահպանության «կարմիր գրքի» մեջ և հրատապ միջոցառումներ ձեռնարկվեն դրանց անհետացումը կանխելու համար:

Վայրի վարազը ապրում է գերազանցապես կաղնիներով, հաճարենիներով, վայրի տանձենիներով ու խճճոքենիներով հարուստ անտառների շրջանում, որտեղ բարձրությունը ծովի մակերևույթից կազմում է 1300-2200 մ և ավելին: Ցուրտ ձմռանը նա իջնում է մինչև գյուղամերձ անտառների շրջան, իսկ ամռան վերջերին և աշնան սկզբներին բարձրանում է մինչև սուբալպինական մարգագետինների շրջան: Լերի պակասի տարիներին ամռան և աշնան սկզբներին վայրի վարազը իջնում է մինչև գյուղամերձ կարճաֆիլի և եղիպտացորենի ցանքսերի շրջան ու նշանակալի վնաս է հասցնում այդ ցանքսերին: ԸՂՀ-ում վայրի խոզի գոյատևման համար առայժմ վտանգ չկա, չնայած դրա որսի գործը նա պետք է կարգավորվի:

Գիշատիչների կարգից նրկամատուռ ֆաունայում ապրում են 12 տեսակի կենդանիներ մոխրագույն գայլը, ասիական չափավոր, սովորական աղվեսը, գորշուկը, գորշ արջը, առաջնատասիական ընձառույծը, արիսը, հարավատեսական խայտաբիսը, անտառային քարավազիսը, վայրի կամ կովկասյան անտառակատուն և ջրասամայրը: Ընդ որում, բացի առաջին չորսից (մոխրագույն գայլ, ասիական չափավոր, սովորական աղվես, գորշուկ), մյուս ութ տեսակները իրենց առանձնակների թվով դարձել են հազվադեպ հանդիպող, ուստի մեր

կարծիքով, դրանք բոլորն էլ պետք է գրանցվեն հանրապետության կենդանիների պահպանության «կարմիր գրքում»: Հարկ կա նաև նշելու, որ գիշատիչների կարգից անցյալ դարում հանրապետության ֆաունայից անհետացել են 4 տեսակի կենդանիներ՝ եղնեղակատու, տափաստանային կատուն, լուսաբեր և մանուլը: Դրանց անհետացման գլխավոր պատճառը հավանաբար դարձյալ հանդիսացել է նրանց անկանոն որսը Եղեմակատվի և տափաստանային կատվի անհետացման գործում որոշակի բացասական նշանակություն է ունեցել նաև ճահճուտների չորացումը և ազատ դաշտերի մշակաբույսերի տակ գանձաշրջանառության տակ դնելը:

Նախատեսվածների կարգից ԼՂՀ ֆաունայում հանդիպում է միայն մեկ տեսակ նվրապական նապաստակը, որն ապրում է ինչպես հարթավայրային բաց տարածքներում, այնպես էլ անտառաթփուտային գոտում: Սակավաթիվական և ալպիական մարգագետինների շրջան այս տեսակի բարձրանում է միայն առանձը և աշնան սկզբներին: Արցախի շրջակայքում ժամանակ (1988-1990թթ.), պատերազմի տարիներին (1991-1994թթ.) և հետպատերազմական ժամանակաշրջանի սկզբներին այս տեսակի առանձնյակների թիվը անկանոն որսի և ռուսագոյության հետևանքով նաև նշանակալի կրճատվել է, ուստի նրան առաջիկայում չկարգավորվի դրա պահպանության և որսի գործը, ապա նրա գոյատևումը ևս կարող է վտանգվել:

Կրծողների կարգը մինչև այժմ համակողմանի չի ուսումնասիրվել, սակայն վերջին տասնամյակներին մեր կատարած դիտարկումների համաձայն կարող ենք նշել, որ այստեղ ապրում են Հայաստանի Հանրապետության տարածքում հանդիպող գրեթե բոլոր 27 տեսակների (տնային մուկ, անտառային մուկ, դաշտամուկ, ավազամուկ, ջրամուկ, կուրամուկ, ճագարամուկ, մոխրագույն առնետ, սև առնետ, պարսկական սկյուռ, եվրոպական գետնասկյուռ, ճահճային կուղբ, փոքրասիական համստեր, մոխրագույն համստերիկ, անտառային շնկ քամադներ և հնդկական վայրենակերպ), որոնց մեծ մասը գյուղատնտեսական մշակաբույսերի վնասատուներ են և մարդկանց մի քանի ծանր մահեր է պատճառել հիվանդությունների (տուլարեմիա, դիֆտերիա, ժանտախտ և այլն) կրողներ ու փոխանցողներ են:

Նոյնական վայրենակերպը հանրապետության տարածքում առաջին անգամ մենք հայտնաբերել են նկարագրել ենք 1981 թվականին (3), սակայն հետագա դիտարկումները ցույց են տվել, որ դրա առանձնյակների թիվը անկանոն որսի կապակցությամբ խիստ կրճատվել է, և այժմ նա դարձել է հազվադեպ հանդիպող, ուստի անհրաժեշտ է նրան, ինչպես նաև այստեղ հազվադեպ հանդիպող ճահճային կուղբին գրանցել ԼՂՀ «կարմիր գրքում»:

Ձեռքաթևավորների կամ թռչող մկների կարգը այստեղ ներկայացրված է շուրջ 25-26 տեսակներով (մեծ պայտաքիթ, Միելիի պայտաքիթ, փոքր պայտաքիթ, հարավային պայտաքիթ, սրականց գիշերաչղջիկ, շնկ գիշերաչղջիկ, լեռնային մաշկավոր, ակնաջավոր կամ երկակնակաճ չղջիկ, ծալքաշրթոնք չղջիկ և այլն): Դրանք տարածված են հարթավայրային, նախալեռնային, միջին լեռնային և բարձր լեռնային շրջաններում, որտեղ բարձրությունը ծովի մակերևույթից կազմում է շուրջ 550-2850մ և ավելին: Այստեղ նրանք ապրում են ծանրի փչակներում, շենքերի տանիքների տակ, քարանձավներում և բաց թողնված տարբեր շենքերում: Դրանց մի քանի տեսակից մինչև մի քանի հազարի հասնող առանձնյակներ մենք հայտնաբերել ենք Ագոխի, Շուշիի, Տումիի, Տոնաշենի, Վանքի, Քոլատակի և մի քանի այլ գյուղերի շրջակայքում գտնվող քարանձավներում: Բոլոր այդ տեսակները համարվում են օգտակար, քանի որ սնվում են զլխավորապես տարբեր վնասակար միջատներով և այլ անողնաշարավորներով: Փոքր պայտաքիթը և երկարաթևանց կամ ակնաչղջիկ չղջիկ մենք 1981թ. հայտնաբերել են նկարագրել ենք Ագոխի քարանձավում (2), իսկ հնոսագայում նկատել ենք, որ դրանց քանակը տարեցտարի պակասում է: Վերջին տարիներին դրանց սակավաթիվ, կամ հազվադեպ դառնալու գլխավոր պատճառը մենք համարում ենք ալբի-մայիս ամիսներին այստեղ հաճախակի կազմակերպվող էքսկուրսիաները, որոնց ժամանակ բաց կրակը օգտագործվում է որպես լուսատու աղբյուր, որից էլ առաջանում է չափահաս առանձնյակների ու ձագերի մեծաթիվ մահացություններ: Դրանից խուսափելու համար մենք առաջարկել ենք ալբի-մայիս ամիսներին էքսկուրսիաների մուտքը քարանձավ խստիվ արգելել, իսկ մյուս ամիսներին դրանք կազմակերպել մասնագետի ուղեկցությամբ, որի ժամանակ բաց կրակը որպես լուսատու աղբյուր չպետք է օգտագործվի: Վերջիններս մասին մենք առաջարկել ենք քարանձավի մուտքի մոտ հատուկ հուշագիր կայցնել:

Միջատակներնրի կարգից ԼՂՀ ֆաունայում, մեր հաշվումներով, այժմ ապրում են 7 տեսակներ՝ սովորական ոզնին, լայնակնաց կամ ակնաչղջիկ ոզնին, սովորական գորշատամը կամ սրնչակը, փոքր գորշատամը կամ փոքր սրնչակը, ջրարնչակը կամ կուտրանը, սովորական խուրդը, փոքրիկ կամ կուր խուրդը : Դրանք ապրում են ծովի մակերևույթից շուրջ 500-2200մ բարձրությունների վրա, սկսած հարթավայրային շրջանի բաց տարածքներից մինչև անտառային շրջաններն ընգրկող տարբեր կենտրոնացնողներ: Առաջներում ակնաչղջիկ

(լայնականջ, երկարականջ) ոգնին ավելի մեծ տարածում ունեն հանրապետության նախալեռնային գոտու խաղողենու այգիների շրջանում: Սակայն վերջին շուրջ 2 տասնամյակում այս տեսակի առանձնակների թիվը այստեղ խիստ կրճատվել է, որը մենք կարծում ենք, կապված է գլխավորապես խաղողենու այգիների տարածքների կրճատման և դաշտերի հրդեհումների հետ: Ելնելով դրանից՝ այդ տեսակը մեր կարծիքով, նու պետք է գրանցվի հանրապետության «Կարմիր գրքում»:

Ամփոփում

1. ԼՂՀ ֆաունայում այժմ ապրում են 75 տեսակի կաթնասուններ, որոնք կազմում են այժմ այստեղ ապրող ողնաշարավորների շուրջ 38%-ը:
2. Ամբողջությամբ վերջրած երկրամասի բնակլիմայական և էկոլոգիական պայմանները այժմ հիմնականում նպաստավոր են, ինչպես կաթնասունների, այնպես էլ մյուս ողնաշարավորների գոյատևման և զարգացման համար:
3. Գլխավոր վտանգը որսագազանների և թռչունների պահպանության ու հարատևման համար հանդիսանում է այստեղ շարունակվող որսագողությունը և անտառների հատումները:
4. Հանրապետությունում առաջիկայում պետք է խիստ ուժեղացվի ֆաունայի և ֆլորայի պահպանության գործը, դրան մասնակից դարձնելով հասարակական լայն մասսաներին, սկսած ընտանիքից և դպրոցից, վերջացրած ամենատարբեր հասարակական կազմակերպություններով: Այստեղ շատ կարևոր ենք համարում կենդանիների և բույսերի պահպանության «Կարմիր գրքերի» մշակումը և գործածության մեջ դնելը, որոնցում պետք է գրանցվեն անհետացման եզրին կանգնած տեսակները (ազնիվ եղջերու, բեզդարյան այծ, անդրկովկասյան գորշ արջ, ականջեղ ոգնի, անդրկովկասյան անտառային կատու, հնդկական վայրենակերպ և այլն): Ժողովուրդը պետք է իմանա այդ տեսակների մասին և ակտիվ մասնակցի նրանց պահպանության գործին:

Резюме

1. В фауне НКР в настоящее время обитают 75 видов млекопитающих, которые составляют примерно 38% ныне здесь живущих видов позвоночных.
2. Природоклиматические и экологические факторы в настоящее время в основном благоприятствуют сохранению и развитию указанных выше всех видов млекопитающих и других позвоночных.
3. Основной вред фауне складывается из незаконной охоты на животных и неоправданной вырубке лесов.
4. В республике необходимо усилить меры борьбы по сохранению дикой фауны и флоры, вовлекая в нее широкие массы населения, начиная от семьи, школы и различных организаций. В сохранении редких видов фауны и флоры республики важную роль может играть "Красная книга" животных и растений, в которую должны вестись виды, находящиеся на грани исчезновения (благородный олесь, везоаровый козел, закавказский бурый медведь, уж ушастый, кавказская лесная кошка, индийский дикобраз и др.).

Գրականություն

1. Ա.Բ. Աղապյան, Ս.Ա. Աղապյան, Ազոխի քարանձավի շրջիկները պաշտպանության կարիք են գգում, Հայաստանի բնություն, 1981, դ3, էջ 32-33:
2. Ա.Բ. Աղապյան, Ս.Ա. Աղապյան, Ասիական խոզուկը Արցախի ֆաունայում, Հայաստանի բնություն, 1981, դ3, էջ 34-36:
3. Հայկական սովետական հանրագիտարան, Եր., հատոր 4, 1978:
4. Красная книга Армянской ССР. Животные. (Под. отв. ред. член кор. АН Арм. ССР С.О. Мовсисян), Ереван, 1987.
5. Վ.Տ. Հայրապետյան, Ազոխի քարանձավի ֆաունան, ԱրՊՀ, գիտական տեղեկագիր, 1 (2002), էջ 150-155: